

vivi et 300 morti, *ut in parte*, e i loro beni siano confiscadi; fu presa. Ave 154 de si, 3 di no.

Fu posto, per i Savii, la condotta dil conte Zuane di Corbavia, qual compie l'anno 23 Marzo etc., et ne serve in Dalmatia, reformarla per l'anno di rispetto, con tutti li modi, capitoli etc.; fu presa. Ave . . .

Fu posto, per li ditti tutti Savii, donar 60 tapedi al reverendissimo cardenal Eboracense, quali costeranno zercha ducati 600; la qual parte messe *etiam* i Consieri e Cai di XL. Fu presa.

Fu posto, per i Consieri, Cai di XL e Savii tutti, non era sier Antonio Trun procurator, una parte di fioli qu. Antonio Dandolo da la Cania, il padre di quali al tempo di la guerra turchesca oferse servir in armada con una nave a tutte sue spexe per mexido, e cussi fece e stete di più mexi 5 per comandamento dil Capitano zeneral di mar, come apar per le scritture lete a questo Consejo. Pertanto sia preso che per soi meriti e in recompensa di le spese predite, sia concesso a Francesco Dandolo, fiol dil predito qu. Antonio, la castelanaria di Chisamo per anni 15 compito arà chi è al presente, per substitutione de li fradeli soi, *ut in parte*; fu presa. Ave 151, 26, 1.

Fu posto, per li Provedadori al Sal, *videlicet* sier Antonio da Canal, sier Marco Contarini, sier Alvixe Barbaro, et sier Gabriel Moro el cavalier non si pol impazar, atento è ereditrice di Paxe di Rufin e compagni, *olim* dacieri dil Sal di Verona, madona Elena Pixani qu. sier Alvise, qu. sier Marin, di ducati 166, grossi 6 per sconto fato 1507, la qual otene sententia contro de lui, e laudata nel Colegio di 20 Savii poi fo sospesa per li Cai di X, però sia preso che la dita sia fata creditrice in l'oficio dil Sal di la sopradita Quarantia, in quel stado l'era avanti facesse il sconto; fu presa: 132, 4, 3.

Fu posto, per sier Antonio Condolmer, sier Gasparo Malipiero, sier Marin Morexini provedadori sora le acque, una parte, *videlicet*, atento fusse trovato uno loco per poter logiar i fangi se cavano dil Canalgrando senza jactura di le lagune, *videlicet* a Santo Andrea di la Certosa e a la vigna dil Patriarcha nostro, i qual lochi erano bassi, et fo fato cavar le cavane con suo consentimento, et non volendo quelli far spianar, sia preso che li diti siano tenuti a pagar la spesa di le cavane e far spianar i fangi, over componerse con dicti Savii cercha la spesa; e no 'l facendo, sia fato stimar li miglioramenti, e batudo 25 per 100, siano dil resto fati debitori e fati pagar; e a queste conditione siano tutti li patroni di, quelli altri lochi, che per lo ave-

nir per questo Consejo sarà deliberà far portar li fangi si trarà de le lagune che si caverà. Ave 108, 20, 4; fu presa.

Fu posto, per li Savii, non era sier Antonio Trun 242* procurator: atento che per expedir l'estimo di Padoa manca alcuni venitiani e padoani a dar in nota le soe polize, sia preso che in termene di un mese tutti habi date; et quelli aliegano exention, le abino mostrate a li judici ordenarii. *Item*, quelli ha dato in confuso il numero di campi, li debino destrigar e dechiarir quanti boschivi, quanti valivi e quanto hanno d'intrada; passato il qual termine sia posti a le daie per boni campi, e li Provedadori sora l'estimo fazi inquisition di le intrade e li metti in estimò con il quarto più per pena. *Item*, di lavoradori di venitiani, quali dicono esser exempti, li X Savii in dito termine li habi expedir; e passato, sia serà l'estimo, qual compito si elezi uno exator rispondi e saldi le camere di do mexi in do mesi, e dagi la so' piezaria: 120, 16, 0.

In questa matina, se intese, a boca, come quelli è stratioti a Traù haveano preso certo vayyoda turcho venuto li, e depredà quel teritorio; *tamen* non è letere dil Conte.

A dì 13. La matina, vene in Colegio sier Zorzi Trivixan qu. sier Baldisera con alcuni homeni di Grado, digando aver auto certo che quelli di Maran voleano questa setimana santa, al tempo che quelli di Grado venivano a la indulgentia in Aquileja, robar Grado, *tamen* inteseno et feno far bona guardia; per il che domandavano munition, arme etc. per potersi difender. Et cussi per il Colegio fo ordenato darli munition, arme etc.

Vene il Legato dil Papa per cosse particular.

Vene l'orator di Ferrara, qual ave audientia con li Capi di X.

Da poi disnar, fo Consejo di X con Zonta, et trovano certi danari per mandarli a Corphù per le fabriche e pagar li fanti.

Item, preseno una parte, che tutti li debitori dil dazio dil vin, ch'è per più di ducati 20 milia, quelli da ducati 10 in zoso debano per tutto questo mexe aver pagato soto pena di soldi 4 per ducato, et quelli da ducati 10 in suso in pena di soldi 2 per ducato; con altre clausule, *ut in parte*; la qual sia publichada a San Marco et a Rialto. Ave 20, 3, 2.

A dì 14. La matina, in Colegio, vene sier Vector Soranzo provedador di Loreo, dicendo che alcuni sassini haveano amazà uno pelegrin su quel dil ducha de Ferrara verso Goro, per tuorli i da-